

四庫全書

史部

欽定四庫全書

史部

欽定四庫全書

詳校官廉吉士臣范逢恩

檢討臣德生覆勘

總校官進士 臣程嘉謨

校對官進士 趙燮

膳錄監生且顧起

欽定四庫全書

欽定日下舊聞考卷一百四十一

京畿

密雲縣二

原鮑邱水出禦夷北塞中南流逕九莊嶺東俗謂之大

榆河

水經注

臣等謹按據

大清一統志鮑邱水即今之潮河

又按水經注以濡水為經白檀白檀今密雲地非

濡水所經恭繹

御製灤河濡水源考證並

御製熱河考

指示鄙注之疏誤以漢書地理志之洹水為濡水按洹

水今潮河非濡水也謹辨其誤於潮河條下

御製全文已恭載

欽定熱河志卷內茲不複綴

原大榆河又東南峽逕安州舊漁陽郡之滑鹽縣南王

莽更名匡德也漢明帝改曰鹽田世謂之斛鹽城西北

去禦夷鎮二百里

水經注

臣等謹按原書此條及後滑鹽廢縣二條入平谷

縣卷內考水經注原文大榆河又東南出峽經滑
鹽縣南又南逕僦奚縣故城東又西南逕獮平縣
故城東是其地形遞次而南滑鹽在僦奚之北僦
奚又在密雲東北至平谷在密雲西南七十里相
去甚遠境內不應有滑鹽縣地今據地理沿革表

改正

原鮑邱水又南逕僂奚縣故城東王莽更之曰敷德也

水經注

原道人溪在縣東北源發龍門流經縣界入於潮河

方輿紀要

臣等謹按據

大清一統志潮河發源古北口西北三百里許郭家屯

西古開平南境水經注所謂鮑邱水出禦夷北塞

中是也自古北口西流入密雲縣界即折而西南至

縣東南與白河會明時潮白兩河猶分流會於牛

欄山下自嘉靖三十四年過潮河不使入順義境
由密雲合白河於是牛欄山以上潮河故道遂為
白河所經據此是密雲以北二水分流密雲以南
舊時猶分今匯為一矣

增乾隆二十九年

御製潮河詩 白河過浮橋厓奚歷迤邐潮河帶城南
弗渡遵其涘近郭列市廛枕堰非高峙緩急何所賴尋
思蓋久矣謀安民自知寧必更張屢叶 洶湧奔新漲竹

箭莫喻駛昨晚東北雷聞聲今見爾

臣等謹按潮河

御製詩恭載首見之篇餘不備錄

補余有丁密雲縣疏河記 密雲巖邑王畿之左輔也
域東為潮河出孤山折而東注西則白河會之歲甲寅
秋大雨兩河離常流夾城而下城受囂中丞劉公開府
於是謀於中丞楊公都護賊公憲使王公析渠引河陳
畚鍤具甕甕積土塗繕城堡不匝月而功成計東隄三
百五十餘丈西一百餘丈高各三丈五尺 余文敏集

增密雲東北九十五里潮河崖有潮河神祠

密雲縣冊

臣等謹按潮河神祠乾隆十七年

勅建

增潮河浮橋在南天門之麓

密雲縣冊

臣等謹按潮河由喀喇河屯入古北口經柳林曲至南天門四山環束波流迅駛每歲

秋獮木蘭

乘輿過此例造正副浮橋以渡南天門

勅建觀音寺寺旁精舍

御書額曰攬勝軒

御製詩篇恭載卷內

增乾隆六年

御製南天門觀音寺遙望詩 古刹禮大士虛堂息勞
身旋起憑欄望舊徑還如新谷轉見行騎山高截半雲
是時秋始孟綠樹猶繁紛兩山闌仙境一路無纖塵裊
裊旌旆影隱現出嶙峋逸興一以暢轉益憂懷頻念彼
隨從者跋涉良苦辛

增乾隆八年

天闕虎豹信森嚴此或當然我所戒

增乾隆二十九年

御製攬勝軒放歌 北河澗接南河澗谷中曉氣金風

翻須臾日出高峯朗蹠馬真是壯天門

橫嶺入雲潮河帶其下俗名南

天門軒在寺旁

祇園左側有精舍我向名之攬勝軒每來憇坐

必攬勝紫青繚白羅嶸嶸傑池夏木猶餘翠低蕤高葉
紛緒帑九閣何必守虎豹變變為憶三閭言

臣等謹按南天門

御製諸詩謹繹有關紀述者恭載卷內餘不備錄

增三城水出白里山西逕三城謂之三城水又逕香陁山入西逕石窟南又西北逕伏凌山南與石門水合又西南逕獮平城東南而右注鮑邱水

水經注

增漁水出漁陽縣東南平地泉流西逕漁陽縣故城南城在斯水之陽故名又西南入沽水

同上

增黃門子河在縣東九十里源出黃門關口泉水西流

入潮河

大清一統志

增湯河在縣東北七十里源出司馬臺關口泉南流西折貫古北營城中西出又南入潮河

同上

增白馬關河在縣北一百里源出口外自馬關口東流

入界南流入白河

同上

增馮家峪河在縣北九十里源出口外自馮家峪流入

白河

同上

增水峪河在縣北三十里源出口外自水峪口流入白

河

同上

原黑城川在縣北四十里平頂山後唐之鎮遠軍也

密雲

縣志

原要水出塞外三川並導謂之大要水東南流逕要陽

縣故城東本都尉治王莽更之曰要術矣

水經注

增乾塔河在縣東北一百四十里源出口外自黑峪關

流入西流逕古北城內會清水河又西南入潮河

大清

統志

原濡河東出峽入安州界東南流逕漁陽白檀縣故城

地理志曰濡水出縣北蠻中漢景帝詔李廣曰將軍其帥師東轅弭節白檀者也

水經注

臣等謹按此條沿水經之誤以濡水為經密雲

御製熱河考並灤河濡水源考證

釐訂原委密雲之並無濡水明甚詳前潮河條下

原渤海泉在縣東三十里泉涌如珠時有雲氣若有清

修寺唐建成化間修谷壽寺在縣東三十里元建

密雲縣志

原縣東北六十里為石匣城

昌平山水記

臣等謹按石匣城明弘治十七年巡撫洪忠建築
土城周四里有奇嘉靖四十五年改築石城修撰
陸泰有記

本朝特設副將駐守東北三十三里為古北口凡古北
口事蹟並

御製詩篇謹詳邊障卷內茲不複綴

增

聖祖御製石匣營作 青嶺橫峯陰薜蘿時方小暑綠

新荷蒲編詩興光巖穴虎士桓桓扣角歌

原石匣東南渡潮河十五里為石盆谷有龍潭潭上石
如盆形水懸崖而下入于潭潭外為盆水從潭而歷盆
抵峽而下數里入於潮河有龍宅焉其深無底潭中有
石門水淺則見土人曰龍所從出入也上有廟距縣東
北五十里

昌平山
水記

臣等謹按石匣龍潭神祠乾隆四十三年奉

勅修建祠前坊座南面額曰石林水府北面曰雲影天

光殿內

御書額曰普澤昭靈聯曰宅勝境而靈川渟嶽峙潤羣
生者廣雲行雨施皆

御書並

御製龍泉寺瞻禮詩恭載卷內

增乾隆四十四年

御製龍泉寺瞻禮二十韻 石匣白龍潭舊傳為靈境

往來每遙瞻辦香遣致敬叶昨歲夏值旱特以專官請

昨夏久不雨過召見攝京兆事胡李堂詢其田禾情形
據奏農氏望澤甚切若即得透雨尚可收并奏石匣
龍潭向來禱雨輒應即命其親往誠請即日甘霖大沛
連近均霑禾稼頓覺芄芴復命時又奏言潭上祠宇及
其前龍泉寺歲久頽圯特發內帑萬金鼎新之
慈工已落成因巡幸避暑山莊便道至祠瞻禮應禱普

被霖舊宇因新整北巡值落成親詣抒誠秉取道九松

山東北循山逕

叶

近寺趣頓殊樹密峯巒靜三潭疊瀉

瀑尋源更遙迴石洞窈首潭其深不可等想即神所安
一泓含溟淖便風亦不波雖冬而恒洞神祠臨峭崖像
設闌欹磬四圍陡壁間松栢森勁挺一川冰雪飛五月

衣裳冷所見奇蹟多似此頗鮮並祠旁構精舍以備小憩領疏窻既納涼曲檻堪憑景無須勞步履坐攬得全省意謂此多哉吾豈為遊幸惟祈雨暘時鴻庥利民永

臣等謹按龍泉寺

御製詩恭載首見之篇餘不備錄

原金溝館在縣東北四十五里亦謂之金溝淀

方輿紀要

原檀州五十里至金溝館將至館川原平曠謂之金溝淀國主常於此過冬自此入山詰曲登陟無復里堠但

以馬行計日約其里數

王文正上遼事

原獲野館在舊城西門外五里萬歷二年建

密雲縣志

增共城即舜流共工之地在密雲縣東北五十里

方輿紀要

原共城在檀州燕樂縣界

括地志

原漁陽城在縣南十八里秦郡治北二世發閭左戍漁

陽即此城也

方輿紀要

增狸陽故城在密雲縣南

史記趙世家

增博陸城在縣東南水經注沁水出僂奚縣東南逕博

陸故城北

大清一統志

原厚奚廢縣在縣東南漢置屬漁陽郡

方輿紀要

原後漢曰僂奚縣晉廢魏書志皇始二年置密雲郡初

治提攜城即厚奚之譌也

同上

原白檀廢縣在縣南漢置以縣有白檀山而名後漢廢

建安中曹操歷白檀破烏桓於柳城即白檀故城也

同上

臣等謹按白檀山今在懷柔縣界

原要陽廢縣在縣東南六十里漢縣漁陽都尉治此

方輿

紀要

原蓋延漁陽要陽人

後漢書

原後漢廢要陽後魏復置屬密雲郡北齊廢

方輿紀要

原滑鹽廢縣在縣西北漢置屬漁陽郡後漢縣廢北魏

時有斛鹽戍孝昌三年安州石離穴城斛鹽三戍兵反應

上谷賊杜洛周洛周自松研赴之石離穴城二戍蓋在

斛鹽戍西

同上

原滑鹽地宜五穀有鹽池之利

括地志

以上二條原在平谷縣卷內今改移

原安樂郡舊置安州後周改為元州開皇十六年州徙

尋置檀州

隋書

補柳應芳陪張尚書登檀州北城樓作
時開旅客顏山臨燕塞斷水繞漢城灣秋色孤鴻外邊

聲萬馬間令公多暇日登
眺不知還明詩正聲

原安市廢縣在縣東北五十里漢遼東屬縣後魏橋置
於此太武帝延和初置交州治焉太平真君二年改置

安樂郡兼領土垠縣

方輿紀要

原後齊廢土垠入安市後周廢安市入密雲縣

隋書

臣等謹按舊志土垠故城在縣東北一百八十里

陳宮山下今入豐澤縣

原燕樂廢縣在縣東北八十里漢厚奚縣地後魏延和九年置燕樂縣又僞置益州於此太平真君九年改廣陽郡北齊郡廢以廣興方城二縣并入隋大業初置安樂郡治焉唐初郡廢仍為燕樂縣屬檀州亦謂之廣陽城寶應二年史朝義敗走廣陽廣陽不受即此

方輿紀要

原燕樂縣初治白檀城長壽二年移治新興城

舊唐書

原梁乾化三年晉將周德威伐燕劉守光奔燕樂被擒

縣尋廢

方輿紀要

原燕樂漢厚奚縣地五代時廢為燕莊其地平曠可屯

續通典

原元至和初上都兵入古北口留重兵于燕樂

方輿紀要

原方城廢縣在縣東北魏主燾以方城并入密雲方城蓋

慕容燕所置縣魏主宏于皇興二年置安州治故方城

同上

欽定四庫全書

卷一百四十一

原天平中陷元象中寄治幽州北界

魏書

原普泰初復置方城縣屬廣陽郡蓋即舊城置北齊廢

方輿
紀要

原行唐廢縣亦在縣東本定州屬縣

同上

原遼太祖掠定州破行唐盡驅其民北至檀州擇曠土

居之凡置十砦仍名行唐縣

遼史

原龍慶倉在密雲縣

四鎮三
關志

原密雲中衛領左右中前四千戶所與縣同城而居

昌平

山水記

臣等謹按密雲中衛署今廢

原衛在縣治東洪武四年建

明一統志

原密雲有太古墓圍十餘里高與山等昔人欲發之將及墓門有羣蜂飛出螫人遂不敢入相傳以為遼太后

所葬

燕山叢錄

原龍興寺在縣治北唐建太安中重修

明一統志

原龍興寺元大德丁酉重修明成化十七年嘉靖元年

又修俗名錐塔寺

密雲縣志

原祐國寺在縣南十里至元八年建

同上

原香巖寺在縣東二十五里元至正年建內有鴨脚子

一株俗名白果寺

同上

原治山上寺治山下寺遼重熙八年建

同上

原崇福寺在縣東北十里栗園莊元至正年建明嘉靖

年重修

同上

原大安寺在縣東北五十里舊名白猿院北齊天保五

年建金承安四年重修

上同

原三教寺在青銅山下又有卧佛寺唐建明嘉靖中重

修
上同

上同

原縣故有大悲菴嘉靖戊子御史王大用為赤肚子展
居室改題曰棲真院大學士夏言更題其門曰了師菴

上同

原赤肚子不知何許人正德辛未入密雲城入豕圈與豕同眠無穢氣人皆異之後徙學宮傍又徙滕家巷居

民簷下壘磚為井踞坐以足頂尾問兩拳握六指不放如勾問之則不言與之食則食不食葷酒不多食過午則不食與之衣則裂之避之與之貨則給僧以誦經赤身翦首覆以片氈祈寒盛暑勿侵也居民市鬻者與之輒多利競致之八人寢室如其家不避婦女有戲之者亦躍足昂首嬉然而笑置囹圄中數日不食亦不死許內臣為繪象京師及四方好事者俱呼以仙嘉靖壬辰春夏大旱居民強令祈雨凡八日不食至五月十二日

雨乃食十三日又雨人益異之

赤肚
子傳

原慶峯觀在縣治南元建洪武十六年重修

密雲
縣志

原清都觀在縣西北十里大安二年羽士杜宗道建至

元中改洞真宮洪武二十四年置道錄司

同上

原清都觀在清都山距縣東北五十里

同上

原霞峯觀在霞北四十里元道士魏志和建延佑五年

周道昌重修

同上

原王道亭霞峯觀記
檀州北有水谷出乾維山谷間
與白水合中有遐峯觀國初李尊師結庵此地弟子魏

欽定四庫全書

卷一百四十一

志和史志端季道純力事營造已又得楊道勉劉道本共成之

原李志明寧霞峯觀記 白檀山北曰水谷袁延峯嶺林木森秀有宗師霍道隆於延祐二年棲隱其間建道院一

區既而道友王宏道協謀經營堂宇炳煥一新焉

原乾亨二年十二月如蒲瑰坂獵于檀州之南

遼史

原太平五年八月獵于檀州北山射兔于平川

同上

原珠嘉佛紳薊州猛安人貞祐二年為提控與同知順

州軍州事溫特赫伊扎爾俱守密雲佛紳家屬在薊州

元兵得之以示佛紳曰若速降當以付汝否則殺之佛

紳曰吾事本朝受厚恩戰則速戰終不能降也豈以家人死生為計耶城破死于陣伊扎爾被執亦不屈而死詔贈佛紳開府儀同三司樞密副使封宿國公伊扎爾

鎮國上將軍順州刺史命樹碑以時致祭

全史忠義傳按珠嘉舊

作木甲從八旗姓譜改正佛紳滿洲語柄也舊作法心伊扎爾蒙古語根源也舊作咬查刺今俱譯改

補錢藻備兵密雲有二京軍劫人于通州獲之不服州以白藻二賊恃為京軍出語無狀藻乃移甲於大門之外獨留乙鞠問數四聲色甚厲已而握筆作百許字若

錄乙口語狀遣去隨以甲入給之曰乙已吐實事由于
汝乙當生汝當死矣甲不意其給也忿然曰乙本首事何
委于我乃盡白乙首事狀藻出乙訟之遂論如法

智囊

原水樂十五年十一月金水河太液池冰凝結衆像態
狀奇巧其時密雲亦獻瑞冰如水晶含玉者凡七與金

水河所結無異

泊菴集

欽定日下舊聞考卷一百四十一

欽定四庫全書

欽定日下舊聞考卷一百四十二

京畿

平谷縣

原平谷縣在薊州城西北八十里

明一統志

臣等謹按平谷縣元明俱屬薊州

本朝始改隸順天府又考縣志稱在薊州城西北九十里與今驛路相符舊志誤

增平谷縣在順天府東北一百五十里東西距四十五

里南北距五十里東至薊州界三十里西至三河縣界
十五里南至三河縣界二十五里北至密雲縣界二十
五里東南至薊州界六十里西南至香河縣治九十里
東北至薊州界四十里西北至密雲縣治九十里

大清一

統志

原漢置平谷縣屬漁陽郡在今通州北晉廢今縣本唐

漁陽縣之大王鎮

方輿
紀要

增漢置平谷縣屬漁陽郡晉初省後復置後魏太平真

君七年省入潞縣後改入漁陽縣

大清一統志

原平谷金大定二十七年以漁陽縣大王鎮陞

金史

臣等謹按金史地理志作平峪問奇集云峪讀如

裕平谷縣名

原元至元三年并入漁陽縣十三年復置縣屬薊州明

因之

清類天文分野之書

臣等謹按元史作至元二年

原縣治在東街洪武初建

平谷縣志

原平谷縣治舊無城永樂二年營州中屯衛自塞北徙入安置平谷縣城始建焉是時草創未覓以磚成化丁亥始以磚石包砌高二丈五尺兵部尚書淳安商輅作記嘉靖壬子重修河南按察副使邑人王鏜作記嘉靖癸亥撤舊城而新之增崇五尺四門各建以樓東曰挹盤西曰拱辰南曰迎洵北曰威遠翰林院編修蒲坂張四維作記

同上

增隆慶二年濬濠池比舊深丈餘濶半之東西二門添

置吊橋

同上

增平谷縣城周三里門四濠廣二丈

大清
一統志

臣等謹按平谷縣城於乾隆三十三年興修至三十六年告竣

增乾隆三十四年

御製平谷道中作 背指岡巒谷就平烟郊靄靄暢新

晴村民知我重農意叱犢扶犁不輟耕 春日遲遲喜

載陽脫輕毳欲換綿裳六朝來往於何異麥隴綠深苗

且長 老幼扶携出縣城相親到處愛民情圖其安樂
無多巧政簡還教官吏清

臣等謹按平谷道中

御製詩恭載首見之篇餘不備錄

原文彭平谷道中詩 奉檄趨平谷西風送馬蹄秋深
衰柳變日落晚山低荒草平原合黃雲入望迷邊城烽

火息野老自提携 文博士集

原商輅平谷縣新城記 平谷縣在薊州治西北八十

里西連密雲古北口東接山海道經遼東北臨極邊諸
山永樂初置營州中屯衛蓋重鎮也縣故有土城歲久

頽圯巡撫都御史閻本謀諸總兵焦壽參將劉輔疏請
於朝得允爰命衛指揮袁忠督軍夫增築之周衛六百

丈城外為塹沿塹植榆柳萬株經始於成化丁亥四月
訖工於明年二月 商文毅集

補張四維平谷縣修城記 平谷古漁陽地北臨大漠
城郭溝池所以為防禦計者視內地為急然介在四山
中烽警視諸邊差少是以守土者易焉備禦日疏縣舊
有城池歲久夷阬攀堞往來不異遠道知縣事任彬思
與葺之值歲祲財詘未能也癸亥冬被兵君率士民設
方略固守得免於危兵既解君乃延縣之巨室閭長黨
正喻以將有事城池為扞禦永策衆驩然稱便於是詎
日戒工城以丈計凡周六百五十撤而修之者過半舊
崇二丈二尺增築五尺又於城四門各樹以樓區其東
曰挹盤西曰拱辰南曰迎洵北曰威遠城隅增鋪舍四
又濬其隍丈餘沿塹悉植以柳當四門之衝置便橋焉
經始於甲子閏二月竣於是歲六月凡五閱月而工成

堂集

條麓

原儒學在縣治南建於金增修於元至正間有洵陽逸

士納琳布哈記

平谷縣志按納琳布哈納琳蒙古語細也布哈捷牛也舊作納憐不花今譯

改

原納琳布哈明倫堂記 元列聖相承百務俱興尤加
意者詔令國都州縣設立學校平谷薊郡之屬邑京師
之僻徑也已巳年監察御史鄭立建加號碑設學田丙
子歲主簿范恕教諭張貴協謀構明倫堂洎學官居舍
戊寅教諭胡從先鑄尊鼎飭邊豆九經史藉煥然一新
上供釋奠下資諸生講習此數君子創作於前可謂能
矣迨甲申劉元皓建學門屏增廣田畝立故金國張侯
建廟記以表首勦之功吁微元皓不能明數君子之功
微數君子不能伸元皓之志可謂克盡其行所當為者
子故書之匪特叙二三子之功抑以為來今之勸時至

正七年丁亥三月
丁巳也 同上

增嘉靖二年增拓縣學兵備副使臺峰熊相作記嘉靖
四十年重修巡按御史上海秦嘉楫作記同上

臣等謹按平谷縣學

本朝乾隆二十七年重修

增平谷東橫大嶺西峙兔山北倚瑞屏南瀕洵水

畿輔
疆域

志

原平谷縣在盤山西故稱盤陰四周皆山中則平地因

以平谷名

長安客話

原瑞屏山在縣北二十里連峰秀列如屏上有石臺下有興隆寺元大德元年建明弘治中重修俗呼蕭家院

平谷縣志

原妙峰山在縣東北二十五里峰巒秀拔下有九沽泉

同上

臣等謹按畿輔山川志云妙峰山在縣東北二十

里

原雞足山在縣東北三十里下有三泉寺金承安二年

建

平谷縣志

臣

等謹按平谷縣志三泉寺在馬家莊東北寺東西北三面環山南則有三泉各相去數丈品列於前寺居其中故名

增泉水山在縣南八里山下有泉逆流河發源處也灌

田數十頃

大清一統志

增城嶺山在縣北二十二里

同上

原岵山在縣東北四十里峯巒峭峻林谷深邃有雙泉

寺金明昌中建

平谷縣志

臣等謹按畿輔山川志云岵山在縣東五十里

原城山在縣東北五十里四山高聳中平如城有石室

止容一人栖卧

平谷縣志

臣等謹按畿輔山川志城山在縣東六十里又今

岵城兩山隸薊州境

增氣鼓嶺在縣南十五里山形如鼓上有雲氣

大清一統志

增分水嶺在縣西北五十里

同上

增牛心陀在縣北十五里

同上

原洵河在縣東南自薊州流入界又南入三河

方輿紀要

臣等謹按唐書地理志三河縣北十二里有渠河塘蓋即洵河之謠俗亦名洑河又名草橋河至寶坻縣又名龍港皆洵河異名也

原洵河源出口外入縣境之黃崖口廣漢川自東迤邐遶縣城西南流經三河縣北至寶坻縣入白龍江

名勝志

原洺河在縣東南五里源出密雲縣石峨山流經縣境

又西南流入三河縣界

方輿紀要

增洺河水又東南流逕平谷故城西而東南流注於洺

河

水經注

原周邨河在縣西十里源出口外流入洺河

方輿紀要

臣等謹按平谷縣志作入洺河今考周邨河源出

三河縣念頭村流入縣境自北而南入洺河

大清一統志云入洺之處曰洺口在三河縣北五十里

據此則沁洹二水合流處亦相沿互稱矣

原逆流河在縣東南八里一名小碾河源出縣南泉水

山西北流凡九十九曲而入洹河

方輿紀要

原馬莊河源出縣東北海子與縣東北獨樂河及五百

溝水俱合流入於洹河

同上

增馬莊河在平谷縣東三里源出縣東北海子莊南流

入洹河

大清一統志

增五百溝水出七山北東逕平谷縣之紱城南東入於

洵河

水經注

原獨樂水出北抱犢固南逕平谷縣故城東

同上

增獨樂河在平谷縣東北二十里或伏或見斷續無常

西流入洵河水經注作南入洵即此

大清一統志

臣等謹按獨樂河一名獨漏河其水自口外由薊

州境至北獨樂河莊漏入地中不見故稱獨漏河

相距八里許至瀝津莊東南復泛溢而出故名瀝

律又自瀝津遶縣城東順流入洵河與志所云伏

見無常符合

原龍泉在縣東南十里明成祖嘗駐蹕於此飲其水甘

因錫以今名

名勝志

原夏謙澤在縣東北百餘里晉隆安初後燕慕容寶為拓跋珪所迫自中山至薊盡徙府庫北趨龍城珪將石河頭時屯漁陽引兵追之及於夏謙澤為慕容會所敗胡氏曰澤去薊北二百餘里今縣東北有海子或以為

即故澤也

方輿紀要

臣等謹按水經注鮑邱水又東南入夏澤南紆曲渚一十餘里北佩謙澤渺望無垠据此是夏謙為兩澤不得混為一水顧炎武日知錄云三河縣西有夏店疑因古夏澤為名此夏謙為兩澤之一証也

增平谷故城在今潞縣北

後漢光武紀注

增故城在今平谷縣東北漢置

大清一統志

增古縣城在今縣城東北十二里今名城子莊

舊縣志

原營州中屯衛在縣治東永樂二年移建於此

方輿紀要

增黃松峪關在平谷縣又東與密雲縣將軍石關相接
關北為熊兒峪關又西為熊兒營今邊界分屬密雲而
其地則逼近縣境

大清一統志

原看花臺在城南五里逆流河之西相傳金章宗玩花
於此遺阜尚存又有望馬臺在縣東二十里發箭臺在
縣西北二十里皆章宗游獵處也

名勝志

原世傳黃帝陵在漁子山今平谷縣東北十五里岡阜

隆然形如大冢即漁子山也其下有軒轅廟

長安客話

原元封元年帝北巡朔方勒兵十餘萬還祭黃帝冢橋山釋兵須如帝曰吾聞黃帝不死今有冢何也公孫卿

曰黃帝已仙上天羣臣思慕葬其衣冠

漢武以上二條原在故事邊障門今移改

朱彛尊原按史記黃帝崩葬橋山魏王象繆襲等

撰皇覽云在上郡地理志謂是上郡同陽縣括地

志謂在寧州羅川縣東八十里子午山今平谷之

陵人多疑流傳之誤然帝既都涿鹿則葬於此理

亦有之抑衣冠之葬或者非一處也

臣等謹按據

大清會典告祭軒轅陵

本朝仍舊制在今陝西郿州之中部縣境

補軒轅陵在橋山載紀所同特橋山匪一上郡鵠州皆
有之漢武帝元封元年帝北巡朔方勒兵十餘萬還祭
黃帝冢橋山此上郡之橋山也北魏明元帝神瑞二年
六月丁卯南次石亭幸上谷士申幸涿鹿登橋山觀溫

泉使使者以大牢祀黃帝遂至廣寧泰常七年九月幸
灃南遂如廣寧幸橋山遣使者祀黃帝因東幸幽州太
武帝神麤元年八月東幸廣寧臨觀溫泉以太牢祭黃
帝此媯州之橋山也郭景純注山經云帝王冢墓皆有
定處而山經往往複見蓋聖人久於其位仁化廣及絕
域殊俗之人各自立位而祭起土為冢是以所在有焉
景純之論可謂善言古者矣後之讀史偏執成見以史
記為是必以魏書為非然黃帝既都涿鹿安在媯州之

不可營葬乎

讀史折衷

此條原在邊
障門今移改

障門今移改

原金花公主俗傳金章宗女也墓在縣東北三十里馬
家莊兩山相抱自崕口鑿石穴施四銅環棺木懸空引
海子水流入於內其深莫測至今捕魚者或見之

上同

增漢金椒侯馬成墓在縣二里有碑

平谷縣志

原臨泉寺在縣南八里遼建俗名高村寺

上同

原淨寧寺去縣八里在西鹿角莊金大定二十年建俗

名鹿角寺

上同

原淨嚴寺在大新砦去縣八里遼天慶十年建

同上

原石佛寺在縣北十里元至正二年建

同上

原慈福寺在縣東北十五里正統九年建邑人金純撰

碑

同上

增覺雄寺在平谷縣治西遼重熙十三年建嘉靖八年

重修置僧會司於內

畿輔寺觀志

原香嵐寺在漁子山砦南二里至平谷縣二十里金明

昌三年建俗稱波谷寺

平谷縣志

此條原在邊障門今移改

原縣有水峪寺龍家務莊舊為耕屯處

七政考

增白雲寺在黑豆峪塞北至縣二十五里金皇統四年

建明弘治十三年重修俗稱繼廣寺

平谷縣志

原延祥觀在縣東北二十里北獨樂河莊初名元寶觀至元間邱長春過此觀有枯柏捫之復榮有南塘老人

張天度為作詩玉谿老人趙鑄為作記

盤陰雜志

原趙鑄元寶觀柏記

歲丁亥京東諸紳請長春真人

醮於田盤山之栖雲觀過平谷飯於城東獨樂村元寶觀中有柏枯瘁己人師歎曰可惜起而摩之明年春其杪葉復生鬱茂如故見者奇之予一日托宿於州之通

元觀道人李志平示予南塘老人譽長春子活死柏之詩所謂非異人不能成異事非異書不能表異蹟也志

平欲永其傳乃書其事於石

平谷縣志

原張天度詩山村老翁鬚眉白根撥和雲移小柏殷

勤擁護數十年直幹亭亭高百尺明堂大厦構良材正恐工師求選擇奈何亂世生不辰翻有飢民斧斤厄半身寂寞被戕殘顏色枝條頓狼籍竭來枯槁已三年不忍風催并日炙長春仙子偶經過兩手摩挲言可惜明年太歲在元枵秀葉參差如舊碧異事那免時俗疑至人得道良不測

長安客話

增梁惠成王十六年齊師及燕師戰於沟水齊師遁

竹書

紀年

增建武元年光武遣吳漢率耿弇等十二將追銅馬五

幡及平谷大破之

後漢光武紀

原平谷耕氏得一釜水沃則沸飯炊則熟釜下有漢諸葛行窩字碑之其複層中有水火二字 獅山掌錄

臣等謹按以上各係平谷縣以下附僑治各條

又按朱彛尊原書京畿門後附僑治一門乃幽營州界隋唐間所置羈縻州郡以處東北降蕃者但有州名無所役屬存之亦足以見當時安撫外蕃之制今仍其舊附京畿卷末

原唐太宗平突厥諸蕃稍稍內屬即其部落列置州縣

其大者為都督府以其首領為都督刺史皆得世襲雖
貢賦版籍不上戶部然聲教所暨皆邊州都督都護所
領著於令式其後或臣或叛經制不詳突厥之別部及
奚契丹靺鞨降胡高麗隸河北者為府十四州四十六
號為羈縻云

唐書

原隋於營州之境汝羅故城置遼西郡以處粟末靺鞨

降人

唐書

原隋開皇中粟末靺鞨與高麗戰不勝有厥稽部渠長

突地稽率忽賜來部窟突始部悅稽蒙部越羽部步護
賴部破奚部步括利部凡八部勝兵數千人自扶餘城
西北舉部落向關內附處之柳城乃燕郡之北煬帝大
業八年為置遼西郡并遼西懷遠瀘河三縣以統之

隋北

蕃風
俗記

原武德元年省瀘河

唐書
志

原武德五年靺鞨渠長阿固即始來

唐書
列傳

原六年自營州遷於幽州城中以首領世襲刺史貞觀

元年省懷遠

唐書志

原二年靺鞨乃臣附所獻有常以其地為燕州

唐書列傳

原開元三十五年徙治幽州北桃谷山

唐書志

朱彛尊原按突地稽隋書作度地稽粟末作粟末

考粟末水名或作速末則粟字疑誤又唐書地理

志注云武德元年曰燕州而列傳貞觀二年靺鞨

始來附以其地為燕州當從列傳為正

原燕州東至檀州八十里西至幽州九十里南至昌平

縣五十里北至大山五里西南至芹河五里東南至廢
易京城四十里西北至乾河山五里東北至宋城鎮二

十五里

太平寰宇記

原燕州領縣一遼西州寄理幽州縣亦遷於今所

上同

原建中二年州為朱滔所滅因廢為幽都縣

書唐

原真州武德初以涑沫烏素固部落置

上同

原慎州唐武德初置隸營州萬歲通天二年移於淄青
州安置神龍初復隸幽州領縣一逢龍契丹陷營州後

南遷寄治良鄉縣之故都鄉城

太平寰宇記

原夷賓州乾封中以愁思嶺部落置

唐書志

原夷賓州唐乾封中於營州界內置處靺鞨愁思嶺部

落隸營州都督萬歲通天元年遷於徐州神龍初還隸

幽州都督領縣一來蘇寄治於良鄉縣之古廣陽城

太平

寰宇

記

原黎州載初二年析慎州置僑治良鄉之故都鄉城

唐書

志

原黎州以處浮渝靺鞨為素固部落隸營州都督萬歲通天元年遷於宋州安置神龍初還隸幽州都督領縣

一新黎寄治於良鄉之故都鄉城

太平案
字記

原元州貞觀二十年以辱紇主曲據部落置僑治范陽

之魯泊村

唐書
志

原元州隋開皇初置萬歲通天二年移於徐宋州安置

神龍元年復舊今隸幽州領縣一靜蕃

太平案
字記

原威州本遼州武德元年以內稽部落置初治燕支城

後僑治營州城中貞觀元年更名

唐書

原威州唐武德元年置遼州總管自燕支城徙寄治營州七年廢總管府貞觀元年改為威州隸幽州大都督領縣一威化契丹陷營州後乃南遷寄治於良鄉縣石

窟堡

太平寰宇記

原昌州貞觀二年以松漠部落置僑治營州之靜蕃戍

七年徙於三合鎮後治安次之故常道城

唐書志

原昌州始隸營州都督萬歲通天二年遷於青州安置

神龍初還隸幽州領縣一龍山

太平寰宇記

原師州貞觀三年以契丹室韋部落置僑治昌平之清

水店縣一孤竹

唐書志

原師州貞觀三年置州于營州東北廢陽師鎮故號師

州隸營州都督萬歲通天元年遷于青州安置神龍初

還隸幽州都督領縣一陽師寄治于良鄉之故東閭城

太平寰

宇記

朱彞尊原按師州所領縣唐志則為孤竹寰宇記

則為陽師孤竹則帶州所領縣也又唐志羈縻不錄帶州而昌師帶鮮信五州皆遷於青州之境則又及之其同異之故所未喻也

原帶州唐貞觀十九年於營州界內置處契丹乙失活部落隸營州都督萬歲通天元年遷于青州安置神龍初還隸幽州都督領縣一孤竹舊治營州界契丹陷營州後寄治于昌平縣之清水店為州治也

太平案
字記

原沃州載初中析昌州置萬歲通天元年没于李盡忠

開元二年後置

唐書志

原沃州以處契丹松漠部落隸營州改隸幽州領縣一濱海本寄治營州城內州陷于契丹乃遷于薊州東南

迴城為治所

太平寰宇記

原信州萬歲通天元年以乙失活部落置僑治范陽境

唐書

志

原信州初隸營州都督萬歲通天二年遷于青州安置

神龍初還隸幽州都督領縣一黃龍寄治范陽縣

太平寰宇

記

原青山州景雲元年析元州置

唐書志

原青山州隸幽州都督領縣一青山寄治于范陽縣界

水門村

太平案
字記

原鮮州武德五年析饒樂郡督府置

唐書志

原鮮州分奚部落置隸營州都督萬歲通天元年遷于

青州安置改置幽州領縣一賓徒初治營州自青州還

寄治潞縣之古縣城

太平案
字記

朱彛尊原按後漢志幽州刺史部有賓徒屬遼西

原崇州武德五年析饒樂都督府之可汗部落置貞觀

三年更名北黎州

唐書志

原崇州唐武德五年置隸營州都督領縣一昌黎貞觀

二年置北黎州寄治營州東北廢陽師鎮八年仍改為

崇州置昌黎縣契丹陷營州徙治于路縣之古縣城

太平

寰宇記

原歸義州歸德郡總章中以新羅戶置僑治良鄉之廣

陽城縣一歸義後廢開元中信安王禕降契丹李詩部

落五千帳以其衆復置

唐書志

原歸義州總章中置以處海外新羅隸幽州都中領縣

一歸義良鄉縣之故廣陽城州所理也

太平寰宇記

原順州順義郡貞觀四年平突厥以其部落置順祐化

長四州都督府于幽靈之境

唐書志

原思順州唐貞觀六年置寄治營州南五柳城天寶元年改為順義郡乾元元年復為順州領縣一賓義郡所

治在幽州城內

太平寰宇記

朱彛尊原按新舊唐書地理志俱作順州而寰宇

記作思順州疑衍

原瑞州本威州貞觀十年以烏突汗干部落置在營州

之境咸亨中更名

唐書志

原瑞州初隸營州都督萬歲通天二年遷于宋州安置

神龍初還隸幽州都督領縣一來遠舊治在營州界州

陷于契丹移治于良鄉縣之故廣陽城

太平寰宇記

原凜州天寶初置隸幽州都督府僑治范陽境

唐書志

原自燕州以下諸州皆東北降蕃散處幽營州界以州名羈縻之無所役屬安祿山之亂一切驅之為寇至德之後入據河朔其部落之名無存者今記唐天寶之故

跡地理焉

太平寰宇記

欽定日下舊聞考卷一百四十二

欽定日下舊聞考卷一百四十二舉正

乾封原書訛作乾符今據唐書志

夷賓
州條

欽定日下舊聞考卷一百四十二舉正

欽定四庫全書

欽定日下舊聞考卷一百四十三

附編 遵化州

臣等謹按遵化舊為縣隸順天府康熙十五年以陵寢重地升縣為州乾隆八年又升為直隸州以玉田豐潤二縣隸焉今謹遵

定制別為詮次附編京畿各卷後用存其舊至恭建陵寢規制並節年

謁陵展敬

宸章紀述及所司職掌諸典禮備載

大清會典

大清一統志畿輔通志諸書茲編以順天府屬為斷例

不復叙

原遵化縣在州城東一百二十里

明一統志

臣等謹按明志所稱之州指薊州言

原遵化古無終地漢屬右北平唐天寶初於此置買馬

監號監城

清類天文分野之書

原後唐始置遵化縣

方輿紀要

原遼重熙中置景州清安軍以縣來屬

遼史

原宋宣和四年金人以州來歸賜郡名曰灤州軍事

宋史

原金廢州縣隸薊州元因之

方輿紀要

原縣舊係土城洪武十一年指揮周寶拓城西外地甃

以甃萬歷九年總兵戚繼光撤而更築之內外以甃周

一千三百五十一丈計六里基廣三十尺高四尋有半

欽定四庫全書

卷一百四十三

堞一千三百四十一為門四東鎮海南時薰西戴京北

清漠門樓四東門之北建簪纓樓

遵化舊志

原縣治在城之東北隅洪武初主簿徐成建萬歷四年

知縣事宋仕拓之儒學在縣治西南金正隆三年敕立

元大德元年縣尹盧珪修

同上

原遵化衛在縣治南洪武十年建東勝右衛在遵化衛

西永樂初移建于此忠義中衛在縣治東南永樂初建

寬河守禦千戶所在縣治南建文二年建

方輿紀要

原遵化驛在戴京門外西南有館有序有門有馬神祠

明崇禎二年廢

遵化
舊志

原景州清安軍遵化縣戶三千

遼史

原在戶版
門今移改

原豐臺嶺在馬蘭峪西去城七十里

遵化
舊志

臣等謹按豐臺嶺順治年間

賜名鳳臺山康熙二年又封為

昌瑞山

國家億萬年鍾祥福地也

原關山在縣西北五十里以山近邊關而名

方輿紀要

原縣西南三十里明月山高百餘仞上有石穴南北相通穴口望之如明月然又十二里為夾山中有寺曰慈

應寺山口有石曰試杵石

名勝志

原遵化縣小燕口有石如卧牛其上杵迹徧滿名曰試杵石又五里水門口有石如龜形潦水暴至勢苞陵阜

而此石依然水上相傳龜沒則有兵

燕山叢錄

原縣南八里有南龍山其北有北龍山兩山相望蜿蜒

如龍

方輿紀要

原獨固門一名龍門在縣南十里上合下開開處高六

丈許水自懸崖傾瀉而下觸石成井奔盪之聲轟然若

雷

名勝志

原縣南十七里清風山其山四時蕭颯多風

遵化舊志

原桃花山在縣南二十五里層峯疊嶂上多桃樹其嶺

有塔山下聖水泉旁有石室

同上

原磨臺山在縣南四十里山高聳而頂圓如磨

方輿紀要

原靈靈山上有靈靈寺在縣南五十里

遵化舊志

原山高九百餘丈為縣境羣山之冠

方輿紀要

原鐵山在郭東五里小嶺也中斷若峽山石黝黑每朝

日射峽口一縷如虹石色俱殷

遵化舊志

原景忠山在城東六十里舊名陰山總兵馬永建三忠

祠于山上因更名焉

同上

補景山舊有二名南為明北為陰高八里許其陰為鹿

兒嶺東為三屯鎮城嘉靖元年總兵馬永建祠其巔以

奉諸葛武侯及少保岳丈兩公為三忠祠取高山景行之義更名景忠山其下震湖湖中有宛在亭戚都護元敬所修也北為長壽祠元敬去鎮鎮人思之搏像於此

祀焉

碣石叢談

原縣東北二十五里五峯山東曰快目南曰瑞雲西曰紅翠北曰虎巖中曰紫蓋峯皆崛起

名勝志

原乳山在縣東北三十里

遵化舊志

原三臺山在縣東北九十里其山盤曲三層又東北二

十里為大團亭山山北為小團亭山皆縣境之險要也

方輿
紀要

原野孤山在城西北十七里下有澄潭土人遇旱禱于

此遵化
舊志

原蒲池在郭門西七里廣二里

遵化
舊志

原湧泉湖在縣西南湖不甚廣而泉水澄渟不渴

方輿
紀要

原梨河在縣西南十里源出縣北山谷中舊志云出灤
州界流入縣境縣西北有湯河出鮎魚口又有清水河

南經灤州入海宋名郡為灤州以此

遵化舊志

臣等謹按此下二條皆言灤河下流至灤河之源

御製灤河濡水源考證釐訂綦詳已恭載熱河志卷內

茲不複綴

原灤河自縣北團亭砦流入內地東南入遷安縣境唐

開元二年幽州帥薛訥出檀州擊契丹至灤水山峽中

契丹伏兵遮其前後從山上擊之訥大敗即此地也

方輿

紀要

原縣北有五里河源自片石谷口流坡谷間數里始合

沽河

名勝志

原遵化縣北四十里溫泉浴之愈疥守臣為鑿池受之覆以鉅屋導其流折而左入東院以待仕宦復右折入西院以待騶從復南注為兩池以待行旅使男女異處皆石甃石欄浴者甚便

燕山叢錄

原湯泉在山坡下沸而四出萬歷五年戚大將軍繼光甃石為池深二丈方四尋覆以堂曰九新泉上有寺唐

貞觀二年建名福泉寺俗呼湯泉寺湯泉如分寧臨川
崇仁安寧寧州白厓德勝闕浪穹宜良鄧州廬陵京山
新田皆有其最著者驪山最潔者香谿最熱者遵化

帝京

景物

原湯泉自平地湧出浴之可以愈疾上有福泉寺寺迤

北即馬蘭峪

長安客話

原王衡遊湯泉記 石門兩山截壑道旁祠漢將軍張
純又二十里為湯泉泉在山坡下初漫漶四溢賊將軍
繼光始甃石為池池正厓九新堂深二丈許廣倍之池
之南穴而下水支委于牆外種荷花一渠淥淨可挹又

溝其北以石承之穿堂而出中堂為簷除甃為小方塘
以上受雨而下引泉客至則設版馬來則銅龍張口噴
泉甚怒迤行入浴池池之陰有寶蓄太水浴者時其溫
涼之候而啟閉之九新堂後有池如偃月寒水所自出
也

山集

綴

原澧水出右北平俊靡縣王莽之俊麻也世謂之車輦

水東南流與溫泉水合水出北山溪即溫源也魏氏土

地記曰徐無城東流溫湯即此也其水南流百步便伏

流入于地下水盛則通注澧水又東南逕石門峽山高

嶄絕壁立洞開俗謂之石門口漢中平四年漁陽張純

反殺右北平太守劉政遼東太守楊紘中平五年中郎將孟溢率公孫瓚討純戰于石門大破之

水經注

原張純與烏桓卬力居等入寇公孫瓚追擊戰于屬國

石門大敗之

後漢書

原按後漢書靈帝本紀但云石門傳則云屬國石門明有兩石門公孫瓚戰地乃遼東屬國之石門也章懷太子注石門山在今營州柳城縣西南通典柳城有石門山非此漁陽之石門水經注誤爾

北平志今記

原石門鎮在薊州東六十里山峽巔絕壁立于中洞開俗呼為石門口宋宣和五年遼蕭幹敗宋兵于石門鎮遂陷薊州侵掠燕城為郭藥師所敗幹走死今為石門鎮驛宣德三年征烏梁海自石門驛出喜峯口是也

方輿

紀要 按烏梁海舊作兀良哈今對音譯改

原明昌元年十月準布叛內族裏出屯北京會羣牧達德壽圖卜蘇等據信州叛衆號數十萬遠近震駭裏閑暇如平日人心乃安初裏之出鎮也至石門鎮密謂僚

屬曰北部犯塞奚足慮第恐姦人乘隙而動北京近地軍少當預為之備即遣官發上京等軍六千至是果得

其用

金史本傳按準布滿洲語提撕也舊作阻鞅今譯改圖卜蘇姓也舊作陀鎖從八旗姓譜改正

補石門驛在山坳壘石作小城民居二百餘家驛庭有

古槐四五樹

蘇旋錄

原石門峽有石將軍在峽西崖高三丈

名勝志

原儲懌石門詠石將軍詩

精爽千年護石門晚風黃

葉亂山村時危暗灑英雄淚號古全無斧鑿痕故壘夜

嘶惟石馬老兵秋酌只飽博望夫多少

山頭婦不似將軍殿塞垣

崇禎集

原綿梨出遵化之石門

湛然居士集

原耶律楚材和陳秀玉綿梨詩 石門九月西風高綿梨萬樹金垂梢清谿千里攜贈我藤筐乍發香盈包

葉紫條生拔俗夜光安可同魚目文園以上二條原消渴正難禁齒嚼寒冰劉香玉 同上 在物產門今

改移

原平安城在縣西南五十里周圍五里相傳唐太宗征

遼遘疾經此旋愈故名

名勝志

原縣西南平安城及沙河鋪湧泉湖韭菜溝上素河下

素河皆利于耕屯處也

潞水客譚

原鐵冶廠在縣治東南六十里城小而堅元時置冶砂

坡谷正統三年移此

遵化舊志

原遵化鐵廠永樂年間在砂坡谷開設宣德中遷松棚谷正統年遷白冶莊去縣可八十里又二十里則邊牆矣爐有神元之爐長康侯也康當爐四十日而無鐵懼罪欲自經二女勸止之因投爐而死衆見其飛騰光燄中若有龍隨而起者頃之鐵液成元封其父為崇寧侯二女稱金火二仙姑至今祀之其地原有龍潛于爐下

故鐵不成二女投下龍驚而起焚其尾時有禿龍見焉

春明夢

餘錄

原元時遵化縣民康小二為官鑄鐵不銘費薪炭無數
主者將治之康有二女恐父獲罪俱祝天投入冶中鐵
應時鎔共見二女隨烟燭上升事聞勅為金火二仙姑

至今鐵冶祀之

燕山叢錄

原正統元年十一月復遵化縣舊鐵冶治自永樂間開

設上即位詔書停罷至是行在工部奏復之

明英宗實錄

原正統初上諭工部軍器之鐵止取足於遵化不必江南收買後復命虞衡司官主之則國初諸官冶雖廢遵化鐵礦尚足供工部之用也

春明夢餘錄

以上二條原在物產門今移改

補遵化縣工部分司在縣東六十里鐵廠中永樂間俱以各衛指揮領其事宣德末始委虞衡司官董之

明名臣經

濟錄

原遵化鐵壚深一丈二尺廣前二尺五寸後二尺七寸左右各一尺六寸前闊數丈為出鐵之所俱石砌以簡

千石為門牛頭石為心黑砂為本石子為佐時時旋下
用炭火置二鞴扇之得鐵日可四次石子產于水門口
色間紅白畧似桃花大者如斛小者如拳搏而碎之以
投于火則化而為水石心若燥砂不能下以此救之則
其砂始銷成鐵生鐵之煉凡三時而成熟鐵由生鐵五
六煉而成鋼鐵由熟鐵九煉而成其鑪由微而盛而衰
最多至九十日則敗矣

春明夢
餘錄

此條原在物
產門今移改

原鹽城在縣北唐守捉城也唐志出薊州雄武軍東北

行百二十里至鹽城守捉又東北渡灤河或以為即漢

滑鹽縣恐誤

方輿紀要

原大悲閣在城中高十尋榜曰護國仁王佛壇相傳建

自六朝元至大元年修

遵化舊志

原謝榛登遵化閣詩 凌虛樓閣鬱崔嵬四望青山宿霧開日上海闊邊色盡天連沙漠鴈聲來仲宣賦就千年事張載銘成一代才懷古不堪空佇立秋風吹鬢放歌回 四溟山人集

原廣慧寺在城西南宣德年建

遵化舊志

原五峯山有雲昌寺遼重熙中僧志紀重修更名禪林

寺山半懸石曰鷄鳴石取小石扣之作羣鷄聲

同上

原遵化禪林寺前龍潭嘗有毒龍居之時為民害金世

寺僧龍勝奴持水之潭側祝之龍遂飛去

燕山叢錄

原鍾山觀在縣治東

明一統志

補遵化縣有般若寺

元宗國寺碑陰

補嘉靖元年正月遵化童子梅楨昧爽入塾道經城隍

廟前忽狂風起楨以手掩面被風頃刻吹至三屯營蘆

兒嶺久之乃蘇語人去家六十里矣家中驚懼有傳者

至攜歸袖內詩經國風篇有神書硃字三行人不能辨

楨後為貢士 碣石叢談

補崇禎戊辰二月薊鎮糧運不繼臺兵丁科周得勝等

欽定四庫全書

卷一百四十三

倡亂各營推科為難首分五營而陳由喜峯路至白羊谷與臺兵為一營由太平路至漢兒莊與宣武營為一營由洪山口至潘家口與駐防營及臺兵為一營由羅文口合東遊營與神器營暨民壯為一營馬蘭路先立一營屯遵化城西三月六日俱至五里橋合一大營黃崖一軍最後亦來科乃主中軍十行一小帥振鐸束杞士雅一大帥環中拱稽為五花陣甲士數萬攻城予聞雙車車詣其營呼亂兵諭之曰爾等為飢所迫至此吾不忍遽加誅當給三月糧速歸汎地軍中歡聲如雷各羅拜共設誓歸伍適京運至給諸軍然尚未拔砦十五日援將等九名聞于朝得旨正法定詳兵畧

臣等謹按以上各條係遵化州

欽定日下舊聞考卷一百四十三

欽定日下舊聞考卷一百四十三舉正

啟閉原書閉訛作開今改

王衡遊湯泉記條

明昌元年十月原書十字下脫月字今據金史本傳

增

石門鎮條

欽定四庫全書

欽定四庫全書
卷一百四十三舉正

欽定日下舊聞考卷一百四十三舉正

欽定四庫全書

史部

欽定日下舊聞考卷一百四十六

詳校官庶吉士

臣范逢恩

檢討臣德生覆勘

總校官進士

目程嘉謨

校對官進士

目趙雯

謄錄監生

目顧起

欽定四庫全書

欽定日下舊聞考卷一百四十四

附編

玉田縣

豐潤縣

原玉田縣在薊州城東八十里

明一統志

原故無終子國

漢書注

補無終子翟國今薊之玉田漁陽即其地

國名紀

臣等謹按據

大清一統志薊州為古無終國玉田為唐初析置之無

終縣則今之玉田非古無終謹并識以俟考

原魯襄公四年無終子嘉父使孟樂如晉因魏莊子納

虎豹之皮以請和諸戎

左傳

原昭公元年晉中行穆子敗無終及羣狄于大原

同上

原北平有無終縣釋例土地名以北戎山戎無終三名

為一

春秋正義

原項羽封韓廣為遼東王都無終漢初臧荼擊殺廣于
無終并其地漢臧荼置無終縣屬右北平郡更始以苗

曾為幽州牧治無終吳漢斬之晉屬北平郡隆安三年
慕容盛使其將李旱討叛將李朗于令支朗請救于魏
自迎魏師于北平旱克令支遣別將孟廣平擊斬朗于
無終後魏屬漁陽郡隋初屬元州大業初為漁陽郡治

隋末廢

方輿
紀要

原唐武德二年置無終縣貞觀元年省乾封二年復置
萬歲通天元年更名玉田神龍元年隸營州開元四年
還隸幽州八年隸營州十一年又隸幽州有濠門米亭

三谷礪石方公白陽等戍

唐書注

原開元十八年立荊州割以來屬

清類天文分野之書

原五代梁開平初劉守文引滄德之兵討劉守光戰于

玉田敗還遼仍其舊宋宣和四年改置經州金復為玉

田元因之

方輿紀要

補馬錄玉田道中苦雨詩 九夏無晴日 那堪秋更陰

樹邊山雨黑 天際塞雲深 歸鳥孤村夕 征人萬里心 驅

馳成底事衰晚二

毛侵百愚集

原縣城築于成化三年周圍一千二百二十步城門三

東曰迎旭西曰拱宸南曰來薰其北門久塞隆慶元年增崇三尺崇禎八年其內悉易以磚既而復濬濠導彭

家橋水注之

玉田縣志

原謝鐸玉田縣新城記略 成化四年四月薊州玉田縣新城成先是縣有土城歲久頽圯齊東喬君瑾來宰是邑謀于巡撫右僉都御史閻公本請于上以指揮使李迪署都指揮僉事蒞其事閱一年訖工易土以甃崇

二文五尺
桃谿淨稿

原縣治在城西北隅建于元延祐年辛酉有學士郭賈碑記文稱京師高庭謁由保定路元州判官來茲邑捐

俸錢構廳宇繪蠶麥圖于壁高既去有楊君玉傳伯元

續成之

玉田縣志

原儒學在縣治西創于遼乾統中今大覺寺是其遺址
嘉靖癸巳改建于西關外庚戌督學御史阮鶚復移城
內以玉陽觀為之萬厯六年又稍遷而東築臺建大成

殿東西兩廡及戟門

同上

原陽樊驛舊在縣西二十里嘉靖二年遷于縣之西關

方輿

紀要

原興州左屯衛在玉田縣東南一百四十里舊在開平

衛境永樂初移建于此

同上

原采亭橋在縣西二十里金學士楊繪建繪邑人采亭

其別字也

名勝志

原鷓鴣橋在縣東南四十里

玉田縣志

原麻山在縣城北十五里與旁山相連南即種玉山也

距縣西北二十五里懸崖壁立其旁為石鼓唐太宗征

高麗嘗聚兵于此

名勝志

原燕山在縣西北二十五里晉咸康四年石虎攻段遼

遼將北平相陽裕登燕山以自固即此

方輿紀要

原燕山之脉自太行迤邐而東暨玉田直抵海岸燕國

由此名或以為即燕然非也

長安客話

原由燕山口迤西二里折而北又東歷磴而上有梨花

巷綠陰覆翳可以避暑

玉田縣志

原燕山上懸巖之側有石鼓去地百餘丈望若數百石

固有石梁貫之鼓之東南有石人援桴狀同擊勢耆舊

言燕山石鼓鳴則土有兵

注水
經

原田疇得北歸遂入徐無山中營深險平敞地而居躬耕以養父母百姓歸之數年間至五千餘家疇謂其父老曰諸君不以疇不肖遠來相就衆成都邑而莫相統一恐非久安之道願推擇其賢長者以為之主皆曰善因僉推疇疇乃為約束相殺傷犯盜諍訟之法法重者至死其次抵罪二十餘條又制為婚姻嫁娶之禮與學校講授之業班行其衆衆皆便之至道不拾遺北邊翕

然服其威信

魏志

原徐無山在縣東北二十里建安十一年曹操伐烏桓

令田疇為鄉導上徐無山是也

方輿紀要

原無終山一名翁同山又名陰山在漁陽縣西北四里

太平寰宇記

補無終山一名步陰山又名翁同山

隋圖經

原灋水又東南流為北黃水又屈而南為南黃水又西南逕無終山即帛仲理所合神丹處也又於是山作金

五千斤以救百姓山有陽翁伯玉田在縣西北有陽公

壇社即陽公之故居也

水經注

補道書之重者莫過于三皇文五岳真形圖至人秘此藏之石室幽隱之地帛仲理于山中得之自立壇委絹常畫一本而去也

抱朴子

原陽翁伯者盧龍人事親以孝葬父母於無終山山高八十里其上無水翁伯廬于墓側晝夜號痛神明感之出泉于其墓側因引水就官道以濟行人嘗有飲馬者

以白石一斗與之令翁伯種之當生美玉果生白璧長二尺者數雙北平徐氏有女翁仲欲求婚徐謂媒者曰得白璧一雙可矣翁伯以白璧五雙遂媚徐氏數年雲龍下迎夫婦俱昇天今謂所居為玉田坊翁伯仙去後子孫立大石柱于田中以紀其事

仙傳拾遺

原雍伯雒陽人

搜神記

臣等謹按翁伯一作雍伯盧龍人一作雒陽人搜神記所載與仙傳拾遺記載互異今並存以備考

原陽氏譜叙言翁伯是周景王之孫食采陽樊春秋之
末爰宅無終因陽樊而易氏焉愛人博施天祚玉田其
碑文云居於縣北六十里翁同之山後路徙于西山之
下陽公又遷焉而受玉田之賜情不好寶玉田自去今
猶謂之為玉田陽于寶曰於種石處四角作大石柱各
一丈中央一頃之地名曰玉田

水經注

補北平陽公輦水作漿以給過者兼補履屨不取其值
天神化為書生問云何不種菜曰無菜種即與數升公

種之化為白壁餘皆為錢公得以娶婦

孝子傳

補羅虬詩 誰向深山識大仙 勸人山下引春泉
定知不及紅兒貌 枉却工夫凝玉田 此紅兒詩

原小泉山在縣東北二十五里上有泉出石罅西南流

五里合大泉山之水入白龍江

名勝志

原玉田縣西北有水其色蔚藍可愛亦曰藍水其土如

靛蓄靛者恒取土和靛賣之

燕山叢錄

原藍水出北山東屈而南流逕無終縣故城無終子國

也

水經注

原庾水出右北平徐無縣北塞中南流歷徐無山得黑
牛谷水又得沙谷水並西出山東流昔田子泰避難居
之衆至五千家開山圖曰山出不灰之木生火之石注
云其水色黑似炭而無葉有石赤色如丹以一石相磨
則火發合則無之

同上

臣等謹按庾水之庾原本及舊刻水經皆訛庾今
從

殿本水經注改正

原庚水在縣東北四十里即豐潤之漚水也

方輿紀要

原梨河在縣東二十里自遵化縣南流經縣境又南入

寶坻縣界縣之東境諸水多流入焉

同上

原縣有清莊塢導河可田後湖莊疏湖可田三里屯及

大泉小泉引泉可田也

屯政考

原光砂泉在玉田縣南攻玉所用

案字通志

原玉田縣南有溫泉盛夏之間煖氣如霧有砂隨水而

出色白而細磨治金玉能令光瑩吳下玉工皆購此砂

為用

燕山叢錄

此係原在物產門今移改

原右北平城東北一百一十里有徐無城

魏氏土地記

原徐無縣故城王莽之北順亭

水經注

原徐無城在縣東漢縣屬右北平郡後漢因之晉為北

平郡治咸康三年後趙石虎攻段遼于令支至徐無後

魏縣屬漁陽郡後周廢入無終縣

方輿紀要

原偏林在縣境金大定二十年以玉田縣行宮之地偏

林為御林即此

同上

補金世宗大定二十年正月以玉田縣行宮地偏林為御林大淀澤為長春淀有長春宮其殿曰芳明二十四年正月如長春宮春水二十六年正月如長春宮春水二十七年正月如長春宮春水世宗既殂後主如春水改都南行宮為建春又改遂城行宮為光春而長春不

書矣

碣石
叢談

原古漁陽北有無終山山上有燕昭王冢

九州
要路

原張華晉惠帝時為司空于時燕昭王墓前有一斑狸積年能為幻乃變一書生欲詣張公過問墓前華表曰

以我才貌可得見張司空否華表曰子之妙解為無不可但司空智度恐難籠絡出必遇辱非但喪子千歲之質亦當深誤老表不從隨詣華華見其風流潔白雅重之於是論及文章辨校聲實華未嘗聞比復商略三史探蹟百家談老莊之奧區被風雅之絕音包十聖貫三才歲八儒槌五禮華無不應聲屈滯乃歎曰天下豈有此年少若非鬼怪即是狐狸書生乃曰明公當尊賢容衆奈何憎人學問言卒便請退華已使人防門不得出既而又謂華曰公門置甲兵擱騎當是疑于僕也將恐天下之人捲舌而不言智謀之士望門而不進深為明公惜之華不應而使人防禦甚嚴豐城令雷煥博物士也謂華曰聞魑魅忌狗所別者數百年物耳千年老精不復能別唯有千年枯木照之則形見燕昭王墓前華表已千年乃遣人伐之使人既至華表數曰老狸乃不自知果誤我事于華表空中得青衣小兒長二尺餘將還至洛陽而變成枯木燃之以照書生乃是一斑狸茂

欽定四庫全書

卷一百四十四

先歎曰此二物不值我十年不可復得

集異記

原羅隱燕昭王墓詩 戰國蒼茫難重尋 北中踪跡想

知音強得別 騎山花晚欲弔遺魂 野草深浮世近來輕
駿骨高臺何處有 黃金思量郭隗平生事不夠 昭王是

負心

甲乙集

原金明威將軍同知宣徽院事上輕車都尉隴西郡開

國伯食邑七百戶李磐神道碑其文中順大夫同知中

都路都轉運使輕車都尉廣陵郡開國伯食邑七百戶

高德喬撰并書磐字仲安玉田人墓在縣城東北又城

北有元同知荊州事楊德潤墓墓碑其兄子遇所撰

黃園

志雜

原上生寺在縣治東南永樂四年建

寰宇通志

原楸子谷在石鼓山後七里有寺

玉田縣志

補唐幽州漁陽縣無終城內有百許家龍朔二年夏四月戍城火災門樓及人家屋宇並為煨燼惟二精舍及浮屠并佛龕上絛簾蓮蔭等但有佛像俱不延燎時人見者莫不嗟異冥報拾遺

原吏部員外郎傅察接伴賀正旦使人于玉田縣呿哩

布脅之使降副使蔣噩等羅拜獨察不屈死之

東都事略

原王宗仁妻宋氏進士宋娶之女也宗仁家永平永平

受兵宋氏從夫避于鐔子山夫婦為軍所執行至玉田縣有窺宋氏色美欲害宗仁者宋氏願謂夫曰我不幸至此必不以身累君言訖遂攜一女投井死

元史列女傳

補宣和七年冬金人未渝盟也朝廷遣吏部員外郎傅公察迓賀正旦使人薊州玉田縣韓城鎮公至界上十二月二十七日凌晨幹里雅布擁兵遽至執公責令投拜副使蔣噩以下皆羅拜公獨不屈金人以兵脅之公曰有死而已膝不可屈也因被害

靖康小雅

補本朝與遼人大移在兩界對境謂之關報金人滅遼
我師于玉田縣築一州曰清州以對平州相與通使人
之路清州有使臣賀允中副使武漢英適至而幹里雅
布遣人邀使臣觀打球二人知其渝盟拒之恐托事生
釁故勉從之及至界則以是日舉兵矣允中被鎖漢英
頗點幹里雅布愛之常在左右謂此南朝第一降人也

漢英本玉田縣巡檢差充副使

北征紀實

臣等謹按以上各條係玉田縣

欽定四庫全書

卷一百四十四

原豐潤縣在薊州城東南一百九十里

明一統志

原本玉田縣之永濟務金泰和中置豐潤縣屬薊州

方輿

紀要

原元至元二年省入玉田四年以路當衝要復置

元史地理

志

原至元二十二年立豐潤署于大都路薊州之豐潤縣

為戶八百三十七為田三百四十九頃

元史兵志

原洪武元年改閏為潤仍屬薊州

清類天文分野之書

原縣產鹽場故名豐潤

卽縣釋名

原縣舊有土城正統十四年始甃以磚城周圍四里并女牆高二丈五尺門四東來遠西拱宸南觀海北鎮朔隆慶二年增修高五尺三年增建角樓四東南曰羌伏西南曰海潤東北曰定邊西北曰保極

豐潤縣志

原縣治在縣城東北隅金大定二十七年建元至元七年縣令孫慶瑜修之有碑記又有儒學教諭武起宗疆

域記刻石

同上

欽定四庫全書

卷一百四十四

原元孫慶瑜豐閭縣記永濟務左控孤竹右接無終
溟海浮於前醴泉鎮於後其民勤儉而力稼穡田廣遠
而極膏腴所出絲象魚鹽所宜稻粱黍稷若夫漚水紺
碧放舟南下縱其所往紫蟹金鱗隨意而得雖大郡未
足多也聞之父老云在昔金大定間始改務為縣至大
安初避東海邸侯諱更名曰豐閭地方數百餘里戶不
啻二萬民物豐衍賦入繁阜為劉郡諸縣之最承安中
以懷遠大將軍瓜爾佳實訥來宰是縣我大朝開創以
來庚辰之歲改縣為閭州以李公克鎮國上將軍行節
度使因幹往西京舉病以歸迺不克抵任遂以同知張
公就充節度使大豪皆公由縣令陞宣差燕京路越支
鹽使時人號皆半州是也厥後舒穆魯亦首任此縣後
陞宣差平滦路廣訪鹽稅使劉州達噶哨齊蓋爰昔逮
今來為守今者非軍功耆德未易處此至元初省併諸
司移節官吏將邑井入玉田未及週歲邑人咸曰豐閭
實東西要衝相去玉田北里遠邇民有訴訟奔走控告

大所不便有耆舊李君信之慨然首倡懷縣詣省部陳
理遂蒙允可縣治得仍舊于今積有年矣前縣尹張公
主簿牛公世宦豐周縣尹楊公自玉田來蒞是邑皆淵
通物理刺裁平允百姓信服治績有稱達唱嚆齊達春
蒙古人也賦性純謹深達時事主簿范公閱閭相承用
蔭歷治真定武強所至為循良之吏僕世業累叨忝縣
宰自慚魯鈍不足比數日以薄書為念特愛其山川形
勝有登臨之樂課其風俗好惡有布政之宜故因修完
廨事落成之日寫之翠琰庶幾來者尚有攷于斯云
同上按甯納滿洲語新也舊作習捏達春滿洲語敏
捷也舊作脫
出今俱譯改

朱彝尊原按豐潤魯陞為閏州元史不載清類天
文分野之書成于洪武初去元甚邇亦未之及乃

見於當日縣令之文勒之于石者未可云無徵不

信也

補張寧晚發豐閭縣詩 蕭蕭車馬度重岡回首都城
意渺茫斜日下時人望遠孤雲飛去客思鄉黃茅矮屋
山居小白草浮塵石路長星月滿天
行未歇俯鞍還復候行裝 奉使錄

原儒學在縣治東南金大定中建元至元十二年構大

成殿延祐五年增建兩廡有郎中張勗碑記

豐潤縣志

原元張勗創建文廟兩廡碑 浹陽豐閭縣遼金以降
為州為縣載在沿革茲不多云其地東連碣石西接漁
陽南眺滄溪北隣白雪沃壤數百里魚鹽之利棗栗之
饒甲于東方天兵革命之後邑之儒宮鞠為茂草遺跡

不存至元十二年邑中考老鳩錢千萬卜日而經營之不期月創構大成殿設聖像于中列十哲于左右春秋祭祀俾諸儒拜趨其下展其誠敬于今四十餘載兩廡諸賢之位尚猶闕然正祐三年夏翰林掾史耿公承事來尹是邑暇日游于芹宮謀諸同僚鳩材募工經始于延祐五年八月落成于是歲冬十月告成之日邑耆老楊質等欲刻諸石于是學宮楊齊賢請予辭而銘之同上

原豐盈倉在豐潤縣

四鎮三閭志

原興州前屯衛在縣治西永樂二年移建

方輿紀要

原義豐驛舊在縣東三十里嘉靖二年遷于縣之南關

豐潤縣志

原越支社在縣南百里亦曰越支場有宋家營鹽課司

方輿

紀要

原元徐世隆越支社重立鹽場記
幽州置鹽始見于後魏歷唐以訖遼金地屬京圻生齒既繁歛獲益衆嘗設提舉司於寶坻秩視五品以重其選所轄諸場越支課居其半特除管勾一員以蒞之因初草創鹽政未立任土之貢一付京官時土豪張進輩被府檄鳩遺民數十戶集越支之宋家營以居復事煎造聚落未成京使已旁午令大償巨賈債緡數營逼急田野為之騷然未獎以鹽司隸徵收課稅所衆稍息肩自鬻課之今行提領諸路者既自詭增倍鑄山鑿海搜羅殆盡其徵輸入官者須厚賄乃獲歸且以所費取償於其屬大抵用值十錢之物皆估以當數十錢之屬而工本又稽時不給給則尅減自是竈民困笑中統改元分十道宣撫為外

臺志革前弊然上禁甚嚴下之怙勢同利者甚虐無告
民猶為病至元二年詔以大中大夫禮部侍郎倪德政
為中都路轉運使提領稅司事丹珠爾丹同知使事寶
抵鹽使崔岩臣副之倪公敦厚廉平且練時穀稔知民
苦計會同僚公議凡場戶入鹽即給值仍純支寶鈔不
折諸物其尤貧窶者預貸工資以賙之存恤百姓於是
富者起逋者還乏者足惰者勤擔者車步者騎僑者籍
料量平牒訴息獄狎空倪公倡之同僚和之曾不三歲
鹽課以盈席袋山積瓦廬相連牛馬蔽野熙熙然如在
春臺和氣中咸曰自再立鹽司以來幾五百年未有如
今日之安靜無擾者也耆老翟安仁暨士人數百願樹
監司石以紀政績介故人曹君世傑來乞文余謂人知
監司之賢不知相臣擇監司之賢人知相臣能擇人之
賢又不知天子能擇相臣之聖惟上下各得其人故能
利人之病富人之貧樂人之樂憂人之憂使諸路監司
皆能如倪公輩之心將澤遍天下又豈特越支一場而已

欽定四庫全書

卷一百四十四

載 豐
潤縣志

原車軸山在縣南二十里孤圓而高若臥轂然上有壽

峯寺無梁閣一塔二

同上

原鴉鵲山在縣西北二十里峯巒秀拔高數百仞中有

二石穴名孟家洞趙家洞又西有兩山口兩山者狼山
管山也兩崖對峙中有路通遵化縣又有蓮花池水注

馬

方輿
紀要

原靈應山在縣西北四十里懸崖壁立岩畔有泉歛流

而下注于流沙河

同上

原靈應山有二石洞洞中有石硯時有巖溜滴硯池中

豐潤
縣志

原陳宮山縈迴數十里東臨遷鄉河西接黃土嶺山南有峯其色蒼翠一名華山有龍泉井鑿石而成每六月

水滿且溢至冬乃止又曰溢泉井

同上

原陳宮山在縣北七十里

名勝志

原崖兒口山在縣東北八十里其山繇連而中斷東為

崖兒口西為白雪口有水自崖而入

方輿紀要

原豐潤金窑山極險峻山腹石壁間宛如門扇而不可

開上有朱書數行惟縱有黃金人不見七字可辨識其

書雖極力磨洗不滅人以為金鑛所在

燕山叢錄

原杻杷山在縣北三里其山平廣產白土如粉可飾屋

壁

豐潤縣志

原馬頭山連峯馳驟最南一峯昂若馬首在縣東二十

里

方輿紀要

原豐潤縣東北有山惟荆叢生相傳唐太宗為秦王時
登此山見荆愕然曰此里師授吾句讀時所用朴也下
馬拜荆皆垂首嚮地如頽伏狀至今猶然石上有秦王

下馬跡因名秦王山

燕山叢錄

原朝月山在縣東八十里兩峯特起狀如偃月山陰為

石坑岡

方輿紀要

原腰帶山亦在縣東八十里上有石厓繞山半如束帶

然

同上

原陡河在縣南三十里發源于遷安縣館山由牡牛橋而來其地掘丈餘有水火炭可供爨陶磁器者利之

豐潤

縣志

原韓城鎮在縣南五十里有河源出車軸山經鎮北又

西流十餘里入漫泊下流會還鄉河

方輿紀要

原韓城鎮有居民可二百家並無城

許奉使行程錄

原沙河在縣南源出灤州界西北流經縣之越支社又

屈而東南流入于海

豐潤縣志

原流沙河在縣西四十里源出縣西北五十里之黨谷山下經兩山口入西南流會於還鄉河元致和初懷王襲位上都兵自遼東入討薩斡等拒之於薊州東沙流

河是也

方輿紀要

原湏水在縣北八十里一名還鄉河或謂之雲湏水源自遼安縣厯崖兒口西南流經縣境入玉田縣界合於

梨河

同上

原湏水源出崖兒口經豐潤玉田由運河入海凡水皆

自西而東北水獨西故俗謂之還鄉河宋徽宗過河橋
駐馬四顧悽然曰過此漸近大漠吾安得似此水還鄉
乎不食而去人謂其橋為思鄉橋

燕山叢錄

原徽宗北狩經劉縣梁魚務務有還鄉橋石少主命名
人至今呼之上曰此乃亂世之主後聖必能力伸此寬
令我回此橋不食
而去
宣政雜錄

原國初用遮洋船從直沽出海轉餉薊州時有漂沒天
順二年直沽河歲久復堙嘉靖四十五年詔濬豐潤縣
還鄉河轉運太平等寨軍餉於北齊莊張官屯鷓鴣橋

設三閘以潄水焉

吳文恪集

原靈泉水出腰帶山南百餘步上有石屋竇深尺許泉

注其中西為大嶺山行旅所經也

名勝志

原縣南有大砦及刺榆圪史家河大王莊之地東則榛子鎮西則鷓鴣橋夾河五十里皆可屯之區也又自水

道沽關黑石子墩至朱家營諸處東西百里南北百八

十里地皆瀕海平曠可畊

屯政攷

原土垠廢縣在縣西北六十里漢置屬右北平郡後漢

為郡治晉屬北平郡後魏屬漁陽郡後屬安樂郡地形志太平真君九年置土垠縣似廢而復置也舊志稱土垠城在密雲東百里陳宮山下即此城矣後齊廢今縣

東十里有垠城鋪垠音銀

方輿紀要

原南關城即古垠城相傳趙武靈王所築

名勝志

原俊靡廢縣在縣北漢置屬右北平郡後漢因之建武中遣吳漢等擊尤來大槍賊窮追至俊靡是也晉屬北

平郡後廢靡音麻

方輿紀要

原花園村在縣東二十里

名勝志

原城西盧各莊韓天企墓有金宗慶二年所立碑

豐潤縣志

原縣治內古鼎一弘治間土人鑿井得之重五百斤圜腹弇口四足足上為牛首下為牛蹄款識甚古或以為商

時物

長安客話

原宏法寺在縣治西唐顯慶元年建金泰和五年元至

大四年相繼重修

豐潤縣志

原馬中錫過宏法寺詩 白髮吳僧健譚空坐講堂留人多暇若供佛祇焚香日落鴉爭樹天寒鶴共房嗟予

欽定四庫全書

卷一百四十四

行役倦風雨欲連
牀東田漫稿

原天宮寺在城西南遼清寧元年鹽監張日成建有塔
一十三級初名南塔院壽昌三年賜額極樂院至金人
與宋修好行府悉寓于此天會五年勅加大天宮寺

潤豐

縣志

原豐潤南關外玉皇閣有石塔建自元時塔有六角每
角有石龍一成化中其東南角龍乘雨飛去至今缺焉

燕山
叢錄

原沙巖寺在縣西十五里中有十三級塔洪武中有雲

霧護塔三日遂失所在今遺址尚存

同上

原梁家務在縣西北二十五里有聖嚴寺元至正年修

豐潤縣志

原巨梁水出土垠縣北陳宮山西南流逕觀鷄山謂之
觀鷄水水東有觀鷄寺寺有大堂甚高廣可容千僧下悉
結石為之上加塗墍基內疏通枝經脈散基側室外四
出爨火炎勢內流一堂盡溫蓋以此土寒嚴霜氣肅猛

出家沙門率皆貧薄施主慮闕道業故崇斯構是以志

道者多栖托焉

水經注

原觀鷄寺在縣北四十里俗傳峯頂有金鷄之瑞故名

名勝志

原翠峯寺北去縣四十里金貞祐初建中有二石柱雕

八龍天將雨龍頭晶晶有水珠又有翠峯觀

豐潤縣志

原甘泉寺在縣北二十里水路村元至正年修

同上

原靈照寺唐稱福興院金承安中修在城東二十里

同上

原真常寺在縣東北三十五里隋建

同上

臣等謹按以上各條係豐潤縣

欽定日下舊聞考卷一百四十四

欽定日下舊聞考卷一百四十四舉正

魯襄公四年條左傳原書訛作國語今改

魯襄公
四年條

欽定四庫全書

卷一百四十四舉正

欽定日下舊聞考卷一百四十四舉正

欽定日下舊聞考卷一百四十四京畿門原書節刪附記

咸平二年一條刪

隆慶寺在城西條節三十四字

碧霞元君條刪

白河在鄆州條刪

元丞相脫脫條刪

崇禎十五年條刪

王鐸武清人條刪

成化間武清縣民人條冊

嚴嵩詩冊

二碑以下條冊

李應徵詩冊

天順八年條冊

葉向高詩冊

皇甫冲順義行冊

儲嶠詩第二首冊

天啟癸未條刪

唐守珪一條刪

白範薊門詩刪

宋登春薊門詩刪

燕州星分尾斗條刪

欽定四庫全書

卷一百四十四京畿門節州

欽定日下舊聞考卷一百四十四京畿門原書節州